



STATEN VAN ARUBA

Presidente di Parlamento di Aruba  
Sr. mr. E.G.A. Vrolijk  
L.G. Smith Blvd. 72  
Aruba

Oranjestad, 21 di januari 2022

Apreciado Sr. Presidente,

Pa medio di e carta aki suscrito kier a pidi Sr. Presidente dirigi e siguiente 7 preguntanan pa Ministro di Finansas, Economía y Cultura sra. mr. Xiomara Maduro. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion suscrito ta keda,

Atentamente,

Miguel J. Mansur  
Lider di Fraccion ACCION 21

STATEN VAN ARUBA

Ingek: 21 JAN 2022

Volgnr: IS/449/21-22



**STATEN VAN ARUBA  
LIDER DI FRACCION ACCION 21  
SR. MIGUEL J. MANSUR**


**Preguntanan por escrito di miembro di Parlamento, sr. Miguel J. Mansur, na Minister di Finansas, Economia y Cultura, sra. mr. Xiomara Maduro, conforme articulo III.17 di Staatsregeling y conforme artikel 59 di Reglement van Orde van de Staten van Aruba.**

Recientemente Parlamento a ricibi proposicion di cambio den e Landsverordening voorzieningen gewezen politieke ambtsdragers en hun nabestaanden (AB 2010 no. 91). Mi a manda preguntanan pa ser inclui den e verslag cuestionando pakiko Gobierno a dicidi di prioritisa e ley aki na sigur un momento inoportuno. Den consideracion di e cambionan proponi mi kier ricibi contesta por escrito for di Minister prome cu e tratamiento mes di e ley aki, riba lo siguiente :

1. Minister por elabora si e diestres (13) Parlamentarionan cu a bin na remarca pa overbrugginstoelage a cobra esaki caba na juli 2021? Si esaki ta e caso por splica ariba ki base legal e pagonan a wordo efectua?
2. Si acaso e overbrugginstoelage a wordo paga contra ley, Minister por a comparti e opdracht cu Directie Financien a ricibi pa efectua dicho pagonan?
3. Si e pagonan a wordo efectua pa error, Minister y/of Directie Financien a haci algun esfuerso pa recupera e fondonan paga aki cu tabata sin base legal?
4. Si e pagonan a wordo efectua ariba autorisacion di Minister of Directie Financien, pakiko e instruccion a wordo duna na 2021 cu inauguracion di Parlamento diesun (11) contrario na den pasado cu semper e pagonan a wordo efectua segun e landsverordening, o sea cuminsando desde e prome dia di e luna siguiente di nan retiro?
5. Minister ta kere cu eherce pagonan contra ley ta cuadra cu un maneho responsabel segun ley y good corporate governance?
6. Minister y/of Directie Financien por aclarea si den pasado otro opdracht/autorisacion a wordo emití pa efectua pagonan contra ley of sin base legal? Si esaki ta afirmativo por a comparti dicho opdrachtnan cu Parlamento?
7. Si e cambionan proponi den e ley Landsverordening voorzieningen gewezen politieke ambtsdragers en hun nabestaanden no wordo aproba pa Parlamento, Minister ta prepara pa para personalmente pa e suma cu Land Aruba a paga sin base legal?

Suscrito ta spera di ricibi contesta por escrito mas pronto cu ta posibel di Ministro riba tur su preguntanan aki, y si ta posibel prome cu tratamento di e Ley aki door di Parlamento.

Atentamente,

A handwritten signature in blue ink, appearing to read 'MANSUR', with a large, sweeping flourish extending to the right.

**Miguel J. Mansur**

**Lider di Fraccion Accion 21**